

素

軒

集

素軒集卷之五

五言律詩

和曲州

晚坐驛前樓風寒擁毳裘震雷天欲雨曲澗水新流  
密樹驚棲鳥平沙散狎鷗塵埃俱蕩却客思更清幽

高橋

行李次高橋征途不憚勞夷居藏竹塢客舍傍山椒  
地暖禽聲早風晴柳絮飄樽中有美酒何用解金貂

富民別墅

別墅連村塢春和值雨晴新詩惟即景濁酒謾娛情

碧澗穿雲遠青山入戶明從容隨所樂何必更求名

宿真巖方丈

清夜宿僧房翛然俗慮忘心融三昧理坐對一爐香  
剝得山林趣那嗟鬢髮蒼更深猶不寐蘿月滿虛堂  
壬戌春宿太華寺

翠微深處寺樓閣燦金銀山水登臨舊鶯花興味新  
素琴消白日綠酒賞青春寄語棲禪客相過莫厭頻

送劉御史

饒陽劉侍御奉

命贊南征節操冰霜肅襟懷玉雪清春風驄馬健曉

日繡衣明樽酒難為別關山萬里情

寄居廣

龍華山寺裏分手各西東秋水芙蓉老疎林楓葉紅  
交游人有幾繾綣思無窮潦倒慚吾輩年來任轉蓬

贈郭中珞遠使夷邦

薄言遠行邁秋杪入夷邦月夜經灣甸霜晨過怒江  
才長稱第一學富諒無雙此別又千里寧辭倒玉缸

寄郭黥衛

初春相別後明月幾盈虛部曲懷仁惠夷民畏簡書  
鳴蟬喧樹杪新竹滿庭除緬想多清暇琴樽樂有餘

過木稀閣懷郭居二秀才

杪秋事行役路始過烏蠻馬足青雲上猿聲碧樹間  
賦詩聊適興沽酒且開顏孤館懷人際惟看萬疊山  
宿層臺驛有懷

客路當秋杪今宵寓落臺古牆緣薜荔荒院長蒿萊  
寫景吟詩句消閑酌酒杯懷人情最切厭聽嶺猿哀  
次永寧

百里青泥路驅馳到永寧畝田收晚稻落水語秋鶯  
霧隱峯巒色雨添灘瀨聲吟詩銷客况獨坐興尤清  
寄郭仲彬

滇南長聚首旅館獨相思  
秋渚蘆花白霜林橘子垂  
斜陽明古戍寒水落荒陂  
野路梅將發憑誰寄一枝  
送嚴御史

四牡去駢駢青山駐晚暉  
邊氓沾惠澤烏府肅霜威  
楓葉明征旆梅花映繡衣  
春風二三月準擬到

京畿

寄楊叅贊

別去又旬日殊方當杪秋  
雲山迷遠望禾黍熟平疇  
水落蘆花渚鴈飛明月洲  
籌邊有閑暇莫惜醉金甌

過南平關

席上歌聲緩燈前舞影斜客行隨所遇不覺度年華

新春

風光已過臘物色喜逢春暖  
迺紅將拆烟堤綠未勻  
流鶯轉幽谷歸馬踏香塵  
準擬還家日梨花酒正新

雨

知時靈雨降散作永昌春  
道路塵埃淨郊原物色新  
紅交花壓樹綠漲水迷津  
漸覺風光好尋芳約友人  
至日

天涯逢至日晴景漸舒長  
岸柳色將變野梅花正香  
夷民多向化雲物更呈祥  
琴酌餘清興高吟坐畫堂

留別

永昌春正好去住兩相違  
芳草隨征騎穠花照客衣  
流年衰鬢改異域故交稀  
公館多清興吟詩對夕暉

次沙水和

東歸行百里公館暫停車  
烟柳絲猶短春花錦不如  
野橋連古戍驛路帶村墟  
新酒殊堪飲陶然興有餘

次永平

昨出哀牢郡今朝次永平  
頭顱添白髮簡冊總虛名  
水映千門柳山圍百雉城  
年來戎馬息耕作樂邊氓

趙州道中



肩輿倚明月殊覺俗心清北斗猶垂象東方未啓明  
春山凝黛色澗水奏琴聲正是花朝節韶華動賞情  
坐太華方丈

曉來方丈裏起坐自焚香說法三生悟觀心萬慮忘  
岩花香冉冉逕竹色蒼蒼我亦清高者閑心詎可量  
喜雨

雲氣連山谷風雷送雨來洪鈞布生意大地發枯荄  
柳色綠將重花枝紅欲開客心殊喜樂莫惜醉深杯  
捨資道中

驛路穿雲入縈紆幾百盤山高松月小谷轉曉風寒

馬度青溪上猿吟綠樹端因時觀物理又見野花殘

次煉象關

節鉞臨邊徼軍威震異邦日明金鎖甲風動碧油幢  
耿耿心逾壯蕭蕭鬢已蒼晚來次山館高坐對銀缸

寄楊叅贊

氣冲時雨降民物自亨通靜觀調和力殊多變理功  
新篁穿古徑小燕弄微風處處勤農事何勞卜歲豐

寄余司訓

滇南方孟夏時雨茂條枚出戶聞黃鳥携筇踏翠苔  
新詩閑自適臘醞共誰開別後情何似殊無一字來

新春

東風噓暖氣萬物又知春  
綠淺萱初長黃輕柳未勻  
園林啼好鳥琴酌對高人  
自覺多清興從他白髮新

寄郭居阮三秀才

東風布微暖時序近春分  
麥壠宜新雨花畦稱夕曛  
一樽還獨酌千里惜離群  
知爾相思處詩成綃錦雲

無量寺僧房閑適

蒼山高萬仞積雪似堆瓊  
冲澹新詩句蕭條舊客情  
和風吹徑竹時雨熟山櫻  
靜坐無餘事焚香玩易經

花朝

客路過花朝山川景物饒和風輕燕雀小雨淨塵囂  
曉色籠芳草春光散柳條揚鞭回首處沙暖紫騮驕

和應方伯韻三首

駐節蠻夷地時當秋暮天陰霾連日夕草莽遍山川  
落葉迷樵徑清溪橫釣船晚來無一事聊可賦詩篇

又

秋杪入遐荒仍居曰者鄉沙邊無宿鳥籬下有寒螢  
天霽山雲薄心清旅夜長平生殊曠達觴詠恣徜徉

又

殊方天氣暖冬月不圍爐瘴霧時開合峯巒乍有無

野人稱土獠好鳥喚山呼擬待歸來日高軒倒玉壺

懷徐憲副

睽違逾一月幾度憶情親木落經霜降梅開應小春  
青山雲外見白髮鏡中新喜遇鱗鴻便封題寄遠人

送劉大參

青春傷遠別冠蓋出滇陽風采清於玉威聲凜若霜  
草肥驄馬健花墜綳衣香玉筍聯班處行看被  
寵光

雨中適興

南國夏多雨風清暑氣消不須衫輕葛尤愛長新條

逕古封蒼蘚窓虛映綠蕉呼童煮佳茗詩思正飄飄

送劉大人

餞別朝

京國離懷一愴然夷邦歌德政

聖代出才賢曉路梨花月春江燕子天已知心戀

闕翹首

五雲邊

自適

遠遊仍客邸情思不遑寧古逕朝還陟衡門晝不扃  
禽聲殊宛轉花片自飄零行止誰能必飄飄水上萍

遊進耳寺

問法向山中迢迢入萬松巢雲時見鶴隔水忽聞鍾  
花木禪房靜金銀佛殿重老僧延欸久談咲坐從容  
病起寄楊叅贊二首

愧我嬰微疾勞君日夕過體全同沈約形稍類維摩  
綠滿庭前草紅香沼內荷稀年期漸近情思更蹉跎

又

長夏連朝雨開軒好納涼苔痕侵柱礎竹色映琴牀  
綠蓋芙蓉沼青敷薜荔牆農家栽蒔畢準擬樂豐穰

寄王太守

南國逢端午多情憶故人感時驚白髮隨意倒清樽  
竹筍穿堦長榴花照眼新凭高東望處何日共論文

送程都憲二首

栢臺老風憲啣

命到滇陽輓粟過沙壩乘輅入鞏章夷民懷德澤  
曲仰威光今日歸

朝去雲山路渺茫

又

督運來南詔煌煌繡節明清風隨四牡初日照雙旌  
政令敷邊徼才名播兩



京臨岐那忍別莫厭酒頻傾

送賴廉使朝

京

風高宿雨晴  
過職又東行  
秋野蘼蕪色  
天涯雲樹情  
途長驄馬健  
水落鷁舟輕  
若遇南來使  
寧辭一寄聲

行次乍摩書示居阮二生

佳節近清明  
風光益暢情  
花開迎去騎  
樹暖轉流鶯  
隨意裁新句  
消愁酌巨觥  
窮崖與絕壑  
無處不經行

遊玉泉寺

萬木深藏寺  
天晴風景嘉  
一欄羅漢竹  
滿院杜鵑花

澗影搖蒼玉林光炫彩霞夕陽歸路晚遊賞興無涯

漫興寄徐憲副

昨宵好風雨今日喜天晴花影隨人影鶯聲雜珮聲  
塵埃俱洗滌心地自澄清寄與徐夫子閑中一暢情

閑情四首

軒居聊自適雨氣送微涼髮變知年老情閑覺日長  
半簾芳草綠一樹枳花香坐久多清興那知到夕陽

又

雨後塵埃絕軒中賞靜時橫琴彈古調試墨寫新詩  
燕影翻書幌禽聲在樹枝生平愛蕭散此興更誰知

又

昨到碧雞山僧居林壑間吟邊多放曠方外自清閑  
看竹添幽興分茶啓笑顏朝來望山色何處是松關

又

南風散炎燠細雨熟梅天迳長新移菊池開舊種蓮  
釣簾對山色歌枕聽松泉却笑營營者那能樂自然

遊西山

行樂當晴日和風拂面來春從天上至花自靜中開  
信馬尋詩句逢人酌酒杯怡然足清賞鞭褭夕陽回

賞牡丹花

雨餘庭院靜來賁牡丹花已動詩人興還令坐客誇  
東風輕繡轂晴日炫香霞拚却樽前醉從教鬢有華  
挽陳都閫勲衛

青年會

京邑白髮聚邊城正好同談笑那堪異死生平蠻負  
長策報

國竭忠誠落日山川瞑潸然涕淚傾

次乃壠

曉歷亂山中行裝宿乃壠寒塘荷葉老遠渚蓼花紅  
蠻俗村村異鷄聲處處同重陽明日是光景似飛蓬

宿穀甸

征行逢九日從騎似登高  
小雨霑烏帽輕寒試錦袍  
村園無橘柚野甸盡蓬蒿  
此夕憑何遣燈前閱六韜

駐泥革

營駐深山裏群峯似劒門  
長途馳駿馬老樹聽清猿  
濕翠溪邊竹斜陽雨外村  
晚來惟獨坐詩酒共誰論

宿晉採人家

曉涉盤江水山行百里餘  
那知雲路客暫宿野人居  
屋後青山立門前翠柳疎  
殊方多異俗為市赴村墟

駐曰者營

朝來散客情送目倚前楹物色秋將老園林雨漸晴  
空中無鴈字草際有蟹聲自是多閑暇吟成句更清

寄陳大叅

點蒼山上雪此際稍凝寒服食勞珍重遊槃匪宴安  
砧聲聞月下鴈影見雲端東閣梅花發歸來好共看

題陳繡衣愚溪草亭

亭子清溪上公餘宴坐時謾傾千日酒細和八愚詩  
霽雨開青嶂微風漾綠漪別來頻歲月夢寐幾回思  
遊筇竹寺訪陳大叅病

高軒坐長日興味自清嘉鉛汞身中藥雲山物外家

蕭蕭竹窓雨點點石岩花塵事無紛擾優游度歲華

又

筇竹前朝寺禪房清更幽咲談無俗客來往有緇流  
慕道心常切敲詩思未休何能脫塵鞅江海狎輕鷗

送邵僉憲

栢臺老僉憲今日又之

京夜月烏蠻道秋風白帝城賓朋陳祖席寮案擁前  
旌莫惜長亭酒難忘眷戀情

送蔣叅議

積雨喜初晴涼風熨道清九年寓滇海八月赴

神京契友懷交誼夷民頌政聲臨岐殊繾綣無限別  
離情

次祿腰驛

行年過五十天命可能知老去頭盈雪春來花滿枝  
情閑尤嗜酒性僻苦吟詩對此風光好尋芳莫較遲

次祿豐

信馬東風裏行裝次祿豐詩書忻有得談論興無窮  
官柳參差綠岩花深淺紅春光隨處好翻入畫圖中

廣通驛送黃琮

使星中夜見喜遇故人來屢有



恩波及殊無屏翰材相逢情意洽談論咲顏開握手  
難為別聊傾酒一杯

宿沙橋

旅寓沙橋驛山多畫有雲鶯花隨景況氣候已春分  
取適沽新酒忘憂讀古文心清無俗事起坐對斜曛

次白崖

憶昔曾過此今來十載餘閑花開院落芳草遍堦除  
送目看清景潛心閱舊書行藏那可問情思竟何如

玉龍山

玉龍何壯麗中有古名藍芝草生苔砌松蘿覆石龕

凭高聊送目對景好停驂緩步長廊下無生孰與談

雲泉菴

蒼山殊秀發結宇就雲泉影湛晴窓畔陰浮曲檻前  
泠泠清比玉細細薄於綿覽此澄遐想情懷自豁然

華嚴庵

華嚴真佛地深僻更清幽座對蒼山雪窓含洱水秋  
塵囂今始息歲月去如流老衲殊踈散身閑類白鷗

卧龍菴

中林棲隱處地靜絕纖埃古檜當軒茂流泉繞砌回  
暖風吹燕雀初日照樓臺賸有盈樽酒何人共一杯

遊寺

朝來遊覽處古寺在雲深徑竹分清影庭槐轉綠陰  
翻經開慧眼煮茗滌塵心壁上誰留句泠然金石音

寓永昌

行營駐永昌號令肅風霜瑞雪呈三白良辰近一陽  
閒吟詩自遣不寐夜偏長幾度思歸處令人意渺茫  
宿白水驛夜雨

雨館當長夜寒更屬杪秋濕螢踈點點風竹響颼颼  
少助詩人興深添旅客愁聽來殊不寐清思詎能休  
冬夜有懷居廣

迢迢冬夜永獨坐意何長靜院石泉響虛窓燈燭光  
餘醒欣茗椀清興付琴張忽起懷人想揮毫賦短章

次元謀縣

旅寓元謀縣清秋氣漸涼閑居情更好靜坐日猶長  
適意琴三弄娛懷酒一觴新詩頻賦得援筆試玄霜

桂花

清秋零雨霽老桂散天香細葉堆金粟高枝拂錦堂  
幽蘭期共操佳菊願同芳賞玩情無已悠然坐晚涼

楚雄有寄

客行威楚郡路入萬山深嵐嶺開新障風泉韻古琴

村墟連野戍，鷄犬隔松林。安得閒邊友，芳樽好共斟。

元日遇雪

海宇逢元日，青陽肇物華。東風飄瑞雪，春意透梅花。  
疆場三千里，人烟幾萬家。豐年先有兆，勿惜醉流霞。

寄居廣

朝夕常相憶，光陰冬復春。梅花溪上老，柳色陌頭新。  
觴咏思清賞，封題寄遠人。西山多勝槩，何日踏香塵。

寄陳謙

相違將半載，體況近如何。簾幕東風靜，池塘春草多。  
清閑無酒債，消瘦有詩魔。可得書窓下，橫琴理楚歌。

獅子山寄居廣

春宵良可惜延住此山林坐對花間月閑調石上琴  
論詩蓮漏永醒酒茗甌深不得從清樂何由一賞音

過幹耳朵

昔人舊池館零落郡城東春草年年綠閑花處處紅  
感時民物異代謝古今同往事應如此長歌興未窮

曲靖和姚大叅

河梁分手處望望去途長露冷芳蓮謝風清古桂香  
夷民皆按堵禾黍既登場信馬多佳趣敲詩過六涼

惜別

杪秋風露重晨起送君行共惜交游洽那堪別恨生  
黃花籬下吐鴻鴈渚邊鳴午夜公堂裏孤吟對短檠

九日懷松雨先生

滇南重九日又見菊花開笑把茱萸酒深傾鸚鵡杯  
登臨懷

上國詞翰美奇才散步東臯上相思心欲摧

宿平夷衛

山程迢遞入重鎮到平夷鳥道自林杪人家多水涯  
天晴香稻熟秋暮渚蓮衰客裏那堪遣風前獨咏詩

次六涼

迢遞行山徑平川次六涼汀蘆華盡白岸柳葉皆黃  
雨洗秋巒淨風吹晚稻香賦詩聊適興清思自能長

寫懷寄陳大叅

分手東西去相思一咲難遠遊經澤國久宦歷關山  
鴈陣橫秋色蠻聲帶曉寒惟公有嘉政到處問民安

次和摩驛

朝來初霽雨涼氣屬清秋竹密禽聲集溪平水勢流  
風生松露滴嵐解石雲收旅館欣無事凭高坐驛樓

宿富民

石徑清泥滑盤桓到富民田腴禾長茂樹密鳥過頻



野曠無煩暑庭幽絕俗塵山溪初過雨新水忽平津

次邵旬

客懷惟自適矯首對南山牧馬平原上啼鵲深竹間  
年來塵事少老去道心閑明日之何處吟詩興未闌

癸卯歲夏日遊法界寺宿僧房

古寺多幽致來遊心自閑香清聞竹徑定起出松關  
洗鉢臨長澗開窓對遠山林泉予所愛他日更躋攀

宿官莊

向晚宿官莊娛懷思更長雨多珍簟潤風細葛巾涼  
石鼎聯詩好荷筒吸酒香興來隨所寓不必論清狂

九日

客裏逢重九還來對菊花  
新詩端可賦美酒不須賒  
曠達思陶令風流憶孟嘉  
茱萸聊暫佩此際樂無涯

寄陳大參二首

別來已逾月相憶最情深  
雲巘開新障松泉奏古琴  
徜徉塵外跡淡泊靜中心  
想見談禪罷開窓對遠岑

又

滇城相別後不覺又秋初  
學佛叅求切寄人音問疎  
露籬啼絡緯風沼落芙蓉  
遙想禪窓下焚香閱道書

寄張參議

別後情何似知君樂趣多清風鳴綠綺夜月醉金波  
野霽千山出天空一鴈過相思坐孤館得句自吟哦

寓七旬

積雨霽新秋風涼暑氣收人家依故壘禾稼滿平疇  
歸鳥翩翩去清泉滴滴流村居隨所樂對景豁吟眸

寄徐憲副二首

南中冬日煖天氣似初春野圃梅先白江堤柳欲新  
夷岷咸按堵邊徼靜無塵烏府多清暇吟詩莫厭頻

又

述職歸來日同歡又幾回寒餘林下雪春到水邊梅

美政敷徽省清風藹栢臺公餘饒逸興隨意酌金罍

素軒集卷之五

素軒集卷之六

七言律詩

秋夜雨

自入秋來景物清空堦點點夢難成  
邊城駐馬經三  
月單枕思親恰二更滴碎芭蕉添客况凋殘梧葉和  
蛩聲明朝天霽登樓處游子瞻雲萬里情

次江川驛

匆匆又過重陽節正值荒郊雨霽天  
馬踏青泥過通  
海人隨秋色到江川西風落葉迷殘燒夕照穿林帶  
暝烟駐馬湖南重回首臨岐無奈思茫然

贈僧財大用

名山駐錫已多年之子叢林夙有緣  
信手拈花應獨悟此身對月不須禪  
蒼松鬱鬱千峯晚翠竹深深一徑烟  
幾度登臨適幽興白雲深處煮清泉

過晉寧有懷

昔陪旌節記晨征策馬歸來又問程  
郊外旌旗嚴戍邏樓頭鼓角近山城  
村村農事稱豐稔處處夷歌頌太平  
眼底豁然情景好滿懷詩思不勝清

和居掾史詩韻

聞道

王師破虜營壺漿簞食馬前迎威名重見標銅柱勲  
業終當著汗青列戟橫秋嚴作陣啣枚入夜靜無聲  
黃江一帶川流赤共說將軍已斬鯨

十一月二十日夜舟中夢老人索詩余辭弗  
獲遂吟瀟洒風流子詩成動老顏好看今古  
傳都在咲談間二十字以荅旣寤猶能記憶  
併賦一律以識

熟睡初甦午夜過偶隨行蟻上南柯風流尚憶三生  
夢瀟洒還成五字哦卧聽洞簫來赤壁起看明月度  
銀河世間塵事應如此獨對滄浪一嘯歌

和逯先生詩韻

斗柄推遷已轉東和風播暖萬方同  
郊園芳草茸茸綠欄檻新花灼灼紅  
道學求從黃卷內詩名出自錦囊中  
閑聽燕語鶯聲巧造化天然無限功

和立恒中詩韻

參透玄關得悟深還從湖海會朋簪  
三生已覺安禪意一世唯能養道心  
歌句成詩追古作遊方到處動高吟  
佳章此日來呈我亭館春風散梵音

和光古逯先生韻

年年奉使在天涯每感兄恩倍有加  
象管並揮看醉



坐燕居聯坐啜清茶詩當興發頻相和酒即呼來不  
足賒乘興闌干頻徙倚長空落日數歸鴉

和范先生詩韻

冬來三丈日初高小酌軒庭列俊髦犀筋翠盤嘗玉  
鱠銀臺絳燭熬蕪蘭膏清香酒泛多醇酎鮮美散陳雜  
巨螯飲興既濃懽轉好詩成滯墨一揮毫

紀夢

一別

神京又半年華胥忽復喜朝

天如隨仙仗趨青瑣似逐東風覲紫烟萬里赤心懷

玉笋幾回清夜憶金蓮曉來亭館渾依舊自信忠誠  
達

御前

冬至

滿前生意漸回陽化日無邊始覺長萬里民心懷  
帝澤三冬和氣異江鄉塤箎迭奏情還叶雲物呈祥  
喜可望況值太平今有象誰言歲暮景荒涼

和曾翰林詩韻

奉

詔從征老大夫光輝文苑一鴻儒南來籌策能平越

東去聲名尚在吳馬頭山水成新句筆底風雲入壯  
圖掃盡妖氛歸奏凱

天顏有喜聽俞都

題翁行人山行會覽圖

平生汗漫窮遊覽行紀詩篇滿錦囊下界萬方瞻使  
節中天一道動星光深仁正運德威廣殫職何論山  
水長羨子懸弧今遂志姓名藉藉永傳揚

和慎獨齋薔薇詩韻

綠葉參差結翠屏春深開放近閑亭芳叢帶露依朱  
戶艷色籠烟映碧櫺可愛鮮明堆錦綉尤疑羅綺集

軒庭詩篇賦就同吟賞  
爛醉花前不欲醒

送周憲使還

京

送別匆匆惜解携  
滇陽城下柳垂堤  
風霜嚴肅威無及  
山水經行句可題  
轅道雨收催去騎  
荒村曉發聽鳴雞  
還

京喜有殊

恩澤重見宣麻降紫泥

冬日有懷

風飄落葉滿踈籬  
緩步階前有所思  
塞上不聞傳鴈

字簷間惟見結蛛絲句奇自許追靈運書妙尤當繼  
獻之歲月交馳駒過隙乘閑走筆賦新詞

秋日書齋

大火西流氣始清風颺蕭瑟送商聲高低黍稷連平  
壠慘淡烟霞覆故營靜裏工詩多得趣閑中觀奕稍  
娛情庭前喜有丹楓樹尚帶寒蟬嘒嘒鳴

和李文秀中秋昭靈觀對月

玉宇涵秋月已圓琳宮縹緲映青天耿耿虎豹嚴真  
籞燦燦星辰照法筵萬頃玻瓈浮素彩九霄環珮下  
瓊仙莫將佳節成虛度一別清光又一年

和李文秀秋夜言懷

月華泛灩碧雲天靜聽清商夜不眠鴈陣已無過塞  
上蛩聲猶有在庭邊微將詩思消離思不被名牽與  
利牽喜得今年豐稔好離離禾稼滿平川

題嵐光秋曉圖二首

月色西沉天欲曙青烟散盡紫烟收空中嵐翠開還  
合筆底風雲動若流幻出琳宮何縹緲積成元氣白  
沉浮詩情會入無窮景渺渺長江萬里秋

又

群峰遙際沓天曙色初回破暝烟幽谷未聞樵斧

響隔林如聽寺鍾傳纔無水鶴棲松上稍有山猿下  
澗邊空翠嵐光真可挹濡毫一掃就長篇

喜雪

六出紛飛遍石城俄然亂撲到簷楹漫空柳絮悠悠  
遠拂檻梅花點點輕酒力漸回金帳煖茶烟微颺綉  
簾清呈祥已見豐年兆正好題詩適此情

踏青

一帶春山濃似畫村村花柳媚韶光雙飛燕子引雛  
緩百轉鶯兒求友忙麥壠雨收添秀色芹池風起散  
餘香垂鞭信馬歸來晚吟得新詩滿錦囊

宿江川驛漫興

歸思匆匆楚道行  
山頭遙見月華明  
雞聲達旦辭孤驛  
馬首衝寒過古城  
異域總霑新教化  
夷民多易舊心情  
江川驛裏懷人處  
好使鱗鴻寄遠聲

冬日偶成

天涯客處動深思  
暖日舒長好詠詩  
柳眼將看開北岸  
梅腮已見綻南枝  
人間清事誰能畢  
鏡裏朱顏獨未衰  
自愧為官無補報

恩波常沐鳳凰池

和車軒先生歲暮即事



冬氣微溫最可人  
儒冠偏稱老閒身  
一年欲盡催殘臘  
萬物將萌近早春  
竹逕風來清影動  
山溪雪霽碧波新  
欣知逋子言無謫  
耿耿情懷不厭貧

立春日偶成

綵勝迎春又一年  
晴光靄靄映長天  
輕紅初破花容嫩  
淺綠遙回草色鮮  
門上題詩更舊帖  
庭中鑽火起新烟  
明朝有約城南去  
定賞芳菲滿馬前

和車軒先生述事言懷

退食書齋臨草行  
俄驚窓外鳥催耕  
閑花開落殊無意  
流水縈迴似有情  
但願樽前常宴客  
更期邊上罷

徵兵自言謏薄難賡和羨子能詩已得名

和江樓晴望韻

旭日初昇海宇晴江樓聊上適閑情  
林端喚起幽禽小波面飛來白鳥輕  
山色遙連嘉樹碧水光斜映落霞明  
隔溪窈窕誰家女歌徹還聞有越聲

夜中聽雨

夢回忽聽天零雨睡足尤欣枕簟清  
潦水新添深幾尺譙樓不覺已三更  
涓涓不斷簷前溜滴滴空餘葉上聲  
却笑落來非甲子可知今歲必秋成

賦梅花

棘地冬深初雪霽梅花又放向南枝青青松竹應同  
操白白冰霜可共時溪上折來曾立久山中看處每  
歸遲暗香端使逋仙愛我亦臨風為賦詩

和周草庭詩韻

先生早已脫塵羈遠地安棲事事奇階下藥苗春盎  
盎庭前葵萼日遲遲從容道意誰能比蘊藉詩篇我  
獨知何日移居滇海上宴遊當效習家池

過呈貢縣

深冬棘地似春時堤上驚看柳絲陽氣漸回冰雪  
候東風吹綻杏桃姿白鷗泛泛明沙渚黃鳥關關在

樹枝自愧青年才薄劣功名當可效囊錐

松間閑望

松間坐久生清思豁目遙看水接天灩灩波光雙塔外  
蒼蒼樹色五華前吟餘轉覺詩懷好興動還憐景物鮮  
把筆長歌歸去晚何妨紅日下山邊

和僧中庭詩韻

作祖相傳自嶺南講經曾見墜優曇心中要解無生法  
靜裏須將活句參一徑松風吹客髮滿山雲氣翳精藍  
上人清致如齊已索我新詩寫草庵

惠揚先生酒詩

新釀初開滿座香  
傾來有色嫩鵝黃  
醅浮碧椀翻瓊液  
光拂金樽訝蔗漿  
細酌每添詩句好  
謾傾端使客懷  
忘知君為此耽佳趣  
阮籍高風孰可當

和萬松老樵喜雨詩韻

太虛一夕風雲起  
吹入南州作雨聲  
打葉轉添詩思好  
隨風時遣客懷驚  
漫漫江上鷗鳬浴  
處處田中禾黍生  
總為征人深解慍  
瘴烟消盡樂時清

雨過

雨過青山分外鮮  
連堤芳草碧芊芊  
胸中煩思俱消却  
眼底清光始豁然  
泛泛漁舟投遠浦  
欣欣農事滿

平川携樽欲向山莊去好看飛來百尺泉

陪御史鄒公遊慧光寺

繡衣御史爾秋霜約我清遊到上方佛法安心惟一  
語儒書明德耿三光浮空綠水門前灑妙色青蓮沼  
內香今日偶陪華旆入禪機俗慮自能忘

前以詩贈別朱寅仲矣餘興未盡更題五韻  
吾友來時春正濃于今別意又從容千章夏木溪邊  
路一榻清風石上松曉度山城雲晡霽暮栖江館月  
朦朧明朝此際知何處更盡樽前酒滿鍾

公餘清興

綠槐深院雨晴初坐納南薰暑氣無最喜咲談非俗  
客深知講學得名儒榴花噴火當窓發荷葉生香貼  
水鋪自是公餘清興動何妨邀友倒金壺

和逵先生滇南旅思

南來歲月屢遷更長夏惟欣暑氣清滿院槐陰遮地  
暗一株榴火透窓明雲南自昔矜強梗交趾如今息  
戰爭愧我才疎任方伯勉將善政治群生

和車軒山行韻

山行數里造華宮景物清幽迥不同惟愛鳥啼松竹  
裏如看人在畫圖中柴門閑寂莓苔長石澗縈迴道

路通覽此勃然生感慨謝公佳趣亦難窮

和章軒歲事可卜

蕭蕭夜雨晝還晴歲事應知大有成湖上放舟凝望  
眼齋中拾句述閑情離離禾黍欣看秀處處田疇已  
罷耕自此豐登年可待歌謠滿路遂民生

六月廿五日夜火節

今宵已不禁嚴城火炬高然萬點明節令遺風惟六  
詔笙歌滿路近三更兒童踊躍欣懷抱父老懽娛極  
事情處此遐方隨異俗開筵斫鱠酒頻傾

和逋先生野望



裊素疎烟起碧山凝眸遙望可開顏村前夕照下林  
杪雨後亂蟬號樹間泛泛漁舟投遠浦翩翩仙鶴立  
清灣涼風吹髮凭闌久自喜吟詩剩得閑

和逌先生遣懷韻

節序推遷感物華閑中光景自然嘉清風江上凋蒲  
葉白露籬邊浥菊花鴈度長空聲自切人過古渡路  
還賒情懷此際那能遣緩步微吟向水涯

和逌先生中秋韻

水間風氣漸颼颼明月當軒憶壯遊皎潔長天流素  
魄推遷佳節值高秋吟餘憶訪謝公宅醉後思登玉

聚樓樂此浩然情爛熳何須騎鶴上揚州

和李文秀菊圃韻

滇南九日列壺觴新酒如鵝泛嫩黃  
院內名芳皆落葉籬邊佳菊却生香  
清姿可愛初經雨正色曾知獨傲霜  
賞此忽思陶靖節于今遺跡對斜陽

和慎獨齋九日詩

此日開筵酌巨觴黃花端不負重陽  
人生行樂非無地客裏交游是異方  
萬里思親懷舊宅一身對菊裊清香  
莫辭爛醉酬佳節得句高歌自可狂

和慎獨齋秋扇韻

新秋團扇且停搖為見庭前木葉飄  
當夏已曾除酷暑經秋不用引清飈  
謝安身逝仁風在曹植名存翰墨消  
賦得詩章置閑處明年仍復寫紅蕉

秋陰

晚靄秋空不肯晴輕烟漠漠暗江城  
籬邊有菊呈佳色樹上無禽囀好聲  
靜坐高齋披古典閑行野圃散幽情  
當窓惟愛蕭蕭竹風動時聞戛玉鳴

秋日即事

八月邊陲秋已分行看江郭帶寒雲  
高低墮稻經霜熟斷續村砧向夜聞  
風爽桂香飄冉冉山空松子落

紛紛凭闌滿眼蕭條意却喜吟詩思不群

和車軒重九韻

滇南佳節逢重九可愛東籬菊正開滿眼秋光隨處  
有一天雨氣送寒來雲邊鴈陣遙空度樹裏猿聲落  
日哀對此未能吟好句且將樽酒慰高才

九日書懷

三載居官寓異鄉喜親祿養在高堂江楓葉帶秋光  
老籬菊花開晚節香旅鴈叫霜投遠浦詩人把酒賞  
重陽誰能放浪如陶令也得名流百世芳

送姚大叅分得碧雞秋色

鄴聞名山有碧雞群峯羅列勢高低經霜紅樹溪邊  
見落日清猿嶺外啼祖席具陳情繾綣新詩纔賦意  
淒迷臨岐送子那堪別去路悠悠任馬嘶

和平先生茶詩

憶採金芽傍禁烟喫時曾悟趙州禪封題信是投滇  
海涉歷仍知過蜀川滿瀉碧甌餘醉後頻煎石鼎小  
窓前何時握手聯新句共試天邊玉兔泉

冬日詠懷

凜凜朔風吹遠林天寒惟愛酒盃深霜晴楓樹多紅  
葉月冷梅梢有翠禽學業定應三載足功名寧畏二

金華詩集卷六 十三  
毛侵于今年富加存省報

國攄忠愜素心

和汪御史遊太華寺韻

來遊寶地景偏嘉  
立教無非總一家  
已見諷經翻貝葉  
曾聞說法雨天花  
風清湖水明如鏡  
地暖山櫻燦若霞  
繡節遙臨多有興  
園林無處不光華

元日

節序推遷換物華  
將看東作動農家  
天開泰運民同樂  
氣轉洪鈞景自嘉  
膏雨潤舒堤上柳  
暖風吹綻樹頭花  
今朝卜歲知宜穀  
暢飲何妨到日斜

遊寺贈僧中庭

遊罷諸山到此間  
天晴嵐氣散禪關  
和風吹遍園花綻  
膏雨滋餘逕竹斑  
蘿屋香消僧入定  
松壇影動鶴飛還  
平公果有林泉趣  
贏得高情盡日閑

和龔僉憲詩韻

羨子文才出孔門  
姓名藉藉播奇芬  
燈窓已足三冬業  
雲錦俱成五色紋  
不減班超通絕域  
曾期馬援立殊勲  
近來風紀公能振  
凜凜霜威遠近聞

贈僧玉峯

幾度登臨訪玉峯  
祇園還與昔時同  
窓前翠竹千竿

立石上清泉一派通好雨滋花開小圃和風吹絮舞  
長空閑房煮茗消塵慮援筆題詩興更濃

首夏雨餘

昨夜炎蒸不可當曉來一雨即清涼田中喜見新秧  
綠壠上應知小麥黃桑柘有陰鳴布谷汀洲無浪浴  
鴛鴦吟詩為愛時光好兼得清新興味長

喜雨

大地欣霑雨一犁滿田禾稼綠初齊枝頭梅子纍纍  
熟葉底鶯兒恰恰啼遊客且欣醒俗眼詩人正可覓  
新題山城偶得無餘事細酌何妨到日西



送朱寅仲回臨安

南郡炎蒸雨乍晴  
呼童具酒送人行  
分襟古道踟躕意  
折柳長亭繾綣情  
倦聽猿聲林上斷  
欣看山色眼中明  
今宵旅宿知何處  
應自高歌對短檠

和范先生書齋對雨韻

一雨蠲消暑氣蒸  
赤雲寧得易飛騰  
窓前靜愛纖塵絕  
渠內尤欣積水澄  
密密洒來還入竹  
蕭蕭聽處更挑燈  
此回山館渾無寐  
轉覺淒涼客况增

宿龍泉道院

道院孤高倚碧岑  
龍湫瀚漫更清深  
苔階不見鳥遺

跡竹逕還聞蟬送音童子有時來引鶴高人終日坐  
彈琴從容自倚闌干望秋色滿林清我心

和平先生寄來詩韻

詩句傳來妙入神調高猶得繼陽春唯應幕下同心  
友能念天涯萬里身久慕先生深造道已聞佳婿遂  
聯姻明年果有旋歸意暢飲高歌忘主賓

遊盤龍寺

萬松深處盤龍寺寶地清幽遠市塵竹影窓前搖夜  
月梅花雪後報初春瑤琴理罷心逾靜藻句吟來趣  
更新何日卜居近岩壑焚香煮茗樂天真

和郭文河間鋪道中

朝來信馬過溪沙  
民物熙熙景更嘉  
一路尋詩耽野趣  
孤村酌酒對梅花  
穿雲偶到山中寺  
隔水遙聞塞上笳  
萬里相看頭總白  
客行不覺度年華

和徐憲副韻二首

羨君才德最清純  
萬里相逢意便親  
刻燭每聯詩句好  
盞簪莫厭酒杯頻  
杏花疎雨邊城曉  
楊柳東風解  
字春顧我論交何太晚  
驚看白髮鏡中新

又

公館無塵蔭古槐  
星軺遠自

日邊來成均久已馳芳譽憲府于今得俊才凜凜風  
霜清絕域熙熙民物藹春臺寄來總是驚人句韻險  
還須着意裁

寄朱孟端

獨坐空齋閱舊書悠然樂趣更何如連朝小雨苔痕  
綠一徑清風竹影疎對奕閒能消暇日守官未得卜  
閒居遙思建水朱文學別後俄驚兩月餘

次陳大參韻

禪房清淨坐蒲團却喜山中具四難月上小窓林影  
散風來曲澗水聲寒爐焚栢子烟初裊漏滴蓮花夜

未殘暫息喧囂無一事開樽聊慰客懷寬

送胡榿軒還永昌

有客乘驂過洱西平原春草正萋萋人烟迢遞連金  
齒山勢逶迤拱碧雞流水小橋楊柳綠落花微雨鷓  
鴒啼遙知別後相思處雲樹蒼茫夢欲迷

和徐憲副出巡金滄

西巡四牡去駢駢水色山光映繡衣  
焚道宵征明候火榆城曉入肅霜威  
詩留藻句期重會酒盡銀瓶惜暫違

當代惟公存古道倍令烏府有光輝

和徐憲副寄來詩韻

雨歇蒼山涼思生公餘偏動友朋情題詩寄我才何  
俊聽訟猶人理更明秋滿書軒丹桂吐夜深官舍亂  
蛩鳴歸期準擬重陽節花燦東籬菊正榮

次徐憲副韻

停雲幾度憶風流炎夏相違又早秋荒館亂蛩添客  
思芳樽美醞解離憂慚子菲薄無多學羨子從容有  
遠謀九日登高期共賞龍山清興未能休

送蹇廉使考滿

煌煌繡節出滇城憲使嚴裝上

帝京水落渝川舟  
揖穩霜晴熨道烏  
路輕天官考最  
功勲著烏府持衡  
法令平愧我相看  
俱白首臨歧杯酒  
不勝情

和陳大叅途中八詠

四牡駢駢又遠行  
山城到處悉清寧  
觀風問俗知民  
化把酒吟詩對月  
明纔見耕耘事東  
作俄看刈穫報  
西成年來邊徼無  
烽候擊壤謳歌頌  
太平

又

泉流石澗玉珊珊  
曉度官橋客袂寒  
山映野亭雲乍  
歛馬行熨道雨初  
乾嶺梅帶雪花偏  
早溪樹經霜葉

東坡詩集卷六 十六  
半殘無限好懷吟不盡且將樽酒樂餘閒

又

曉起山城鼓角鳴嚴裝又復趣脩程天低遠樹平原  
迥風順長空一鴈橫幸際夷民歸化日喜聞茅屋讀  
書聲途中景况應無限正好吟詩信馬行

又

殊方遍歷豈辭難到處從容一解鞍官舍裁詩聊自  
詠梅村即景共誰看雲開迥野山重疊雨歇平湖水  
淼漫遐邇夷民咸樂業公餘適興操猗蘭

又



不見先生兩月餘別時風景已蕭疎寄詩有客傳芳  
札載酒無人並小車楓樹江村霜落後梅花山寺雪  
晴初相思兩地情何極

正事驅馳歷遠途

又

別後俄驚節序過秋深情況近如何胸中豪氣知猶  
在囊裏新詩相更多對景舒懷應放曠及時行樂莫  
蹉跎羨君忠孝誰能似公退常聞誦蓼莪

又

文旆旬宣駐點蒼才華政事總優長夷氓有幸霑

清化烽候無驚在豫陽雪後青山開霽色馬頭新旭  
散烟光他時歸老林泉下不愧裴公綠野堂

又

殊方冬暖似初春對景悠然憶故人目斷孤雲歸遠  
岫心隨飛鴈度蒼旻旋沽村酒那能醉屢寄佳章不  
厭頻歲月催人容易老數莖白髮鬢邊新

和陳大叅冬興四首

山川搖落值隆冬風景應知處處同啜茗圍爐情自  
樂尋梅踏雪興無窮一陽來復循環理萬物亨通造  
化工擬待春光滿湖上黃鸝聲裏笑掀篷

又

旌旆西行忽數旬  
登山臨水肯辭頻  
梅花院落初晴  
雪竹色軒窓迥絕塵  
新酒盈樽傾三液  
清琴一曲理陽春  
遙知此際多佳興  
謾賦新詩寄遠人

又

岷山迢遞接崆峒  
風景無邊又暮冬  
雪霽群峯開迥野  
風清一鶴唳高松  
書來遠道情無限  
樓倚殘陽思更濃  
征旆搖搖渺何許  
嶺雲江樹幾千重

又

南詔冬深不覺寒  
客懷詩思兩瀰漫  
乘閒剩得遊山

樂為政方知行路難遠水天邊飛一鴈夕陽江上聳  
層巒多君寄我新詩句醉墨淋漓尚未乾

素軒集卷之六

南平關下路今古總相同  
猿嘯白雲塢馬嘶黃葉風  
荒村寒樹外野店夕陽中  
緩轡經行處長吟思不窮

寓永昌

討寇寓邊城宣威播遠聲  
清霜鳴鼓角初日耀旗旌  
籌策餘閑暇琴樽適性情  
明當休戰馬歸去樂昇平

寄居阮二生

駐節永昌郡俄驚換歲華  
暖風桃破萼膏雨草萌芽  
琴酌睽違久鱗鴻道路賒  
春光應待我共賞牡丹花

除夜

今夕是除夕賓朋樂事賒  
為歡傳栢葉稱壽頌椒花